

AKHBAR : KOSMO

MUKA SURAT : 16

RUANGAN : NEGARA

Sebanyak 168 kes wabak jangkitan dalam tempoh tujuh bulan

Influenza landa Negeri Sembilan

Oleh ZULKIFLI MANZOR

SEREMBAN — Sebanyak 168 kes wabak jangkitan salur pernafasan membabitkan penyakit seperti influenza (ILI) direkodkan di Negeri Sembilan sejak awal tahun ini sehingga 6 Julai lalu.

Pengerusi Jawatankuasa Bertindak Kesihatan, Alam Sekitar, Koperasi dan Kepenggunaan negeri, S. Veerapan berkata, terdapat 98 kes di Jempol, Seremban (37), Rembau (16), Jelebu (14) dan tiga kes di Port Dickson.

"Hanya dua kes dimusukkan ke wad untuk rawatan lanjut manakala kes lain dirawat sebagai pesakit luar.

"Tiada kematian akibat ILI dilaporkan setakat ini dan tiada premis yang di-

tutup," katanya dalam satu kenyataan di sini semalam.

Veerapan berkata, ILI meliputi pelbagai jenis influenza termasuk Influenza A dan B yang boleh berlaku secara bermusim.

Katanya, pesakit akan demam, seleseme dan batuk sehingga boleh mengakibatkan radang paru-paru (pneumonia).

"Penyakit itu disebabkan virus yang ditularkan melalui jangkitan pernafasan dan tiada kaitan dengan pencernaan udara atau sungai.

"Orang ramai diingatkan menjaga kebersihan, sentiasa membasuh tangan menggunakan air, sabun

atau sanitizer serta mengamalkan cara hidup sihat," jelasnya.

Sementara itu, Pakar Perunding Perubatan Klinikal, Datuk Seri Dr. Zulkornain Ahmad berkata, penyakit itu tidak

akan sampai ke tahap membawa kematian namun boleh menyebabkan masalah pernafasan terutamanya individu berada dalam kumpulan berisiko tinggi.

Jelasnya, golongan berisiko yang dimaksudkan ialah individu obes dan menghidap penyakit kronik seperti masalah jantung dan masungai.

"Wanita hamil, kanak-kanak berumur antara enam bulan ke lima tahun,



VEERAPAN



PESAKIT dinasihatkan menggunakan topeng muka bagi memastikan jangkitan virus influenza tidak merebak kepada orang lain. — Gambar hiasan

warga emas berumur 65 tahun ke atas serta pekerja kesihatan juga tidak terkecuali untuk dijangkiti virus itu," ujarnya yang berkhidmat di Hospital Pakar Salam Senawang dekat sini.

INFO Influenza

- Jangkitan saluran pernafasan termasuk hidung, tekak dan paru-paru
- Merebak melalui sentuhan atau titisan air dek bersin atau batuk
- Tiga jenis kuman influenza yang menyerang manusia iaitu Influenza A, Influenza B dan Influenza C
- Influenza A lebih berbahaya dan mampu merebak lebih cepat selain menyebabkan simptom lebih teruk berbanding influenza jenis lain.

Tambah Zulkornain, pesakit dinasihatkan memakai topeng supaya dapat menghalang jangkitan virus tersebut kepada orang ramai.

AKHBAR : KOSMO**MUKA SURAT : 8****RUANGAN : NEGARA**

Ratu mak nyah kekal ahli CCM biarpun dibantah

SUNGKAI - Tiada keperluan untuk Kementerian Kesihatan mengkaji semula pelantikan Rania Zara Medina sebagai Ahli Jawatankuasa Mekanisme Penyelarasan Negara (CCM) Malaysia bagi penggal 2019-2021.

Menteri Kesihatan, Datuk Seri Dr. Dzulkefly Ahmad berkata, pelantikan itu dilakukan mengikut prosedur yang telah ditetapkan dan berdasarkan amalan pelantikan sejak daripada zaman pentadbiran kerajaan terdahulu.

"Apa yang pasti cara lantikan adalah daripada amalan sejak zaman-berzaman daripada pentadbiran dahulu dan semuanya melalui proses yang sama jadi tidak perlu apa-apa kajian."

"Ini kerana pelantikan dibuat dengan mematuhi segala peraturan. Nama calon yang ingin dilantik boleh dicadangkan dan kita boleh mempertimbangkannya," katanya selepas Majlis Pelancaran Program Ikon Gigi Orang Asli peringkat kebangsaan



RANIA ZARA MEDINA

2019 di sini semalam.

Pelantikan Rania Zara yang pernah dinobatkan sebagai Ratu Trans Woman 2017 sebagai ahli CCM mendapat pelbagai reaksi daripada netizen dan beberapa pihak yang menyatakan tidak bersetuju dengan keputusan itu.

CCM di negara ini ditubuhkan atas keputusan Jemaah Menteri pada 2009 untuk menangani penyakit HIV/AIDS melalui sumbangan daripada Global Fund.

AKHBAR : UTUSAN MALAYSIA**MUKA SURAT : 12****RUANGAN : DALAM NEGERI**

Transgender: Tidak bermakna iktiraf LGBT

KUALA LUMPUR 11 Julai - Pelantikan golongan minoriti seperti transgender bagi menganggotai Mekanisme Penyelarasan Negara (CCM) tidak bermakna kerajaan mahu pun Kementerian Kesihatan mengiktiraf amalan, budaya atau gaya hidup kumpulan lesbian, gay, biseksual dan transgender (LGBT).

Presiden Persatuan Pakar Perubatan Kesihatan Awam Malaysia (PPPKAM), Datuk Dr. Zainal Arifin Omar berkata, langkah tersebut dilihat hanya untuk memastikan pelaksanaan program tertentu perlu bersifat inklusif serta mudah dicapai.

"PPPKAM berpegang kepada prinsip universal di mana dalam merancang dan melaksanakan semua program kesihatan awam peringkat global, nasional dan setempat tidak harus ada diskriminasi dan 'left-out' berdasarkan bangsa, agama, warna kulit, politik, gaya hidup dan sebagainya.

"Sudah menjadi amalan kementerian berdasarkan prinsip kesihatan awam yang menyeluruh mengambil wakil-wakil pelbagai pemegang taruh, dalam pelbagai jawatankuasa program seperti program gantian metadon, penukaran jarum suntikan, pemberian kondom dan *decriminalization of drug addictions*," katanya

dalam kenyataan hari ini.

Beliau mengulas berhubung pelantikan seorang transgender, Rania Zara Medina sebagai ahli CCM melalui surat pelantikan rasmi Kementerian Kesihatan yang ditandatangani Timbalan Menterinya, Dr. Lee Boon Chye ber tarikh 25 Jun lalu tular dalam media sosial sejak Ahad lalu.

Boon Chye menerusi kenyataan semalam bagaimanapun menjelaskan, pelantikan Rania sebagai ahli CCM Malaysia bagi penggal 2019 hingga 2021 adalah mengikut prosedur se dia ada.

Dalam pada itu, Zainal Arifin berkata, PPPKAM berpandangan isu yang membabitkan pelantikan berkenaan tidak perlu disalahafsirkan semua pihak.

"Usaha pencegahan dan kawalan terutamanya HIV/AIDs dan penyakit-penyakit yang melibatkan rakyat tidak akan berjaya dengan retorik, mencicirkan kumpulan terlibat serta kontroversi tanpa faedah.

"Justeru kami menyeru semua kumpulan dan individu yang prihatin kepada kesejahteraan dan kebaikan ummah serta rakyat negara ini sama-sama mengembeleng fikiran, tenaga dan usaha ke arah memberikan sumbangan yang signifikan dan impak positif," jelasnya.

AKHBAR : SINAR HARIAN

MUKA SURAT : 24

RUANGAN : NASIONAL

Peratusan orang asli rawat gigi rendah

SUNGKAI - Hanya 26.3 peratus keseluruhan masyarakat orang asli di negara ini mendapatkan perkhidmatan kesihatan pergigian.

Menyatakan halaman ini, Menteri Kesihatan, Datuk Seri Dr Dzulkefly Ahmad berkata, peratusan yang diperoleh hasil laporan tahun lalu itu dianggap rendah iaitu kira-kira 46,898 orang sahaja merangkumi perkhidmatan di fasiliti pergigian statik dan bergerak.

Menurutnya, keadaan itu dipengaruhi tabiat masyarakat orang asli yang berubat sendiri sebagai kaedah utama penyembuhan.

"Ini berdasarkan satu kajian tempatan dijalankan bagi mengenalpasti tabiat dan kepercayaan orang asli suku Semai pada 2001 lalu.

"Kajian mendapati penyakit utama pada bahagian mulut dalam kalangan masyarakat itu adalah sakit gigi, setelah berubat sendiri dan mendapati sakit tidak sembah, mereka akan meminta bantuan Tok Halaq.

"Setelah Tok Halaq tidak

mampu mengubatinya, barulah pesakit ini dinasihati mendapatkan rawatan lanjut dengan doktor," katanya ketika berucap merasmikan program Ikon Gigi Orang Asli (iGGOA) Peringkat Kebangsaan di Kampung Orang Asli Menderang 1 di sini semalam.

Dzulkefly berkata, keadaan itu jelas menunjukkan peranan penting individu berpengaruh seperti Tok Halaq atau dikenali Tok Batin dalam menentukan kesihatan masyarakat orang asli.

Katanya, selari dengan Rancangan Malaysia Ke-11 dan Pelan Tindakan Kementerian Kesihatan Malaysia 2016-2020, program iGGOA yang dilaksanakan turut mengambil kira pemerkasaan kualiti hidup orang asli.

"Masyarakat umumnya lebih mempercayai individu daripada kumpulan sama.

"Dalam konteks ini, iGGOA dipilih dan mereka akan bertindak sebagai pemudah cara untuk meningkatkan kesedaran dalam masyarakat mereka sendiri," katanya.



Dzulkefly (dua dari kiri) mendengar penerangan ketika meninjau pameran disediakan sempena program Ikon Gigi Orang Asli (IGGOA) peringkat Kebangsaan di Kampung Orang Asli Menderang 1 semalam.

AKHBAR : UTUSAN MALAYSIA
 MUKA SURAT : 12
 RUANGAN : DALAM NEGERI

Tiada keperluan kaji pelantikan Rania

Oleh KHAIRUL ABIDIN NUAR
 pengarang@utusan.com.my

■ TANJUNG MALIM 11 JULAI

TIADA keperluan bagi Kementerian Kesihatan untuk mengkaji semula pelantikan seorang transgender, Rania Zara Medina sebagai ahli Country Coordinating Mechanism (CCM) yang ditubuhkan bagi menangani wabak HIV/AIDS di negara ini.

Menterinya, Datuk Seri Dr. Dzulkefly Ahmad berkata, perkara itu berikutan pelantikkannya adalah mematuhi segala peraturan serta prosedur operasi standard (SOP) yang ditetapkan.

“Yang pastinya, calon itu datangnya dari kelompok transgender, itu adalah amalan sejak berzaman daripada pentadbiran dulu, itu yang saya difahamkan.

“Segalanya dalam peraturan dan mengikut SOP, jadi ia bukan satu benda yang perlu kita politikkan dan gembur-gembur kerana ia telah melalui satu proses yang sangat cermat dan teliti,” katanya.

Dzulkefly berkata demikian



DZULKEFLY AHMAD

■ RM1.50 (SEMENTERI SABAH/SARAWAK)

Pelantikan Rania ikut prosedur

- Kementerian Kesihatan pertahan tindakan lantik transgender, Rania Zara Medina sebagai ahli Country Coordinating Mechanism (CCM) Malaysia.
- CCM terlibat dalam usaha mengawal HIV/AIDS di negara ini.

BERITA DI MUKA 6

ketika ditemui pada majlis pelancaran Ikon Gigi Orang Asli peringkat kebangsaan 2019 di Kampung Orang Asli Menderang 1, Sungai dekat sini hari ini.

Beliau diminta mengulas mengenai kontroversi pelantikan Rania Zara yang dipersoal banyak

pihak ekoran dilihat seolah-olah mencabar moral masyarakat di negara ini.

Rania Zara dilantik sebagai ahli CCM bagi penggal 2019/2021 melalui surat pelantikan rasmi bertarikh 25 Jun lalu yang ditanatangani oleh Timbalan Men-

teri Kesihatan, Dr. Lee Boon Chye.

Boon Chye sebelum ini turut mempertahankan pelantikan berkemanaan kerana mendak-

wa ia dilakukan mengikut prosedur sedia ada.

Menurut Boon Chye, ahli CCM mewakili pelbagai komuniti sasar termasuk golongan transgender, lelaki-seks-deangan-lelaki (MSM), pekerja seks wanita, golongan menggunakan dadah serta mereka yang menghidap HIV/AIDS.

Dalam perkembangan berlainan, mengulas laporan sebuah portal berita mengenai suntikan perancang keluarga oleh kakitangan Kementerian Kesihatan kepada wanita Orang Asli yang didakwa memberikan kesan sampingan teruk, Dzulkefly berkata, setelah disemak, ia bukanlah satu isu.

AKHBAR : UTUSAN MALAYSIA**MUKA SURAT : 10****RUANGAN : DALAM NEGERI**

Kerajaan akan pinda akta larangan tanaman ketum

KUALA LUMPUR 11 Julai - Kementerian Kesihatan dalam proses meminda Akta Racun 1952 (Akta 366) yang merangkumi kawalan ke atas tumbuhan psikoaktif seperti pokok ketum.

Timbalan Menterinya Dr. Lee Boon Chye berkata, pindaan ini akan memperuntukkan larangan ke atas aktiviti perladangan, penanaman, engimportan, pengeksportan, embekalan, penjualan, dan pemikan pokok psikoaktif berkenaan.

Katanya, cadangan kawalan diharap dapat membendung

masalah penggunaan ketum yang mempunyai banyak kesan negatif kepada masyarakat dan negara.

"Sebelum ini, alkaloid mitragynine yang didapati dalam daun ketum adalah dikawal sebagai bahan psikotropik di bawah jadual ketiga, Akta Racun 1952 (Akta 366) sejak tahun 2003 dan terdapat kawalan khas ke atas

aktiviti pengimportan, penjualan, pembekalan, pemilikan dan penggunaannya di bawah Peraturan-peraturan Racun (Bahan-bahan Psikotropik) 1989," katanya.

Beliau menjawab soalan asal **Datuk Shabudin Yahya (PH-Tasek Gelugor)** di Dewan Rakyat yang bertanyakan isu penggunaan daun ketum dalam kalangan rakyat

Malaysia dan pengalaman kerementerian dalam menguruska pesakit-pesakit yang menggunakan bahan terlarang tersebut.

Tambah Boon Chye, piha kementerian ada menerima pesakit-pesakit yang hadir ke klinik kesihatan akibat pengambilan dadah atau ketum.

Katanya, dalam kebanyakannya, pengambilan ketum selalunya berserta dengan dadah jenis lair seperti minuman beralkohol, opiod atau jenis amfetamin atau disebut sebagai pengguna polydrug.

**LEE BOON CHYE**